



OPENBAAR  
MINISTERIE  
ARUBA

# Relato di Prensa

Postbus 1163, Oranjestad, Aruba

Havenstraat 2

Oranjestad

Aruba

T ++ (297) 521 4100

F ++ (297) 521 4190

Na	Tur media
Di	Ministerio Publico
Fecha	10 mei 2017
Pagina's	1

## **Homber cu a asesinato Lalo Webb condena pa 20 aña**

E homber E.J.M.H. a wordo condena awe pa huez di Corte den Prome Instancia pa un castigo di prison di 20 aña pa asesinato. Corte a haya cu a keda comproba cu el a mata e homber L.A.W. riba 19 di maart 2015 cu un tiro den cabez. Huez a papia awe di un liquidacion.

Ministerio Publico su exigencia tabata di 22 aña.

E caso contra e sospechoso H. a wordo trata den su contenido riba 9 di December 2016 y 19 di April 2017. Riba 29 di December 2016 huez a dicta un tussenvonnis. Esaki a encera dos opdracht pa Ministerio Publico. E prome opdracht tabata cu Ministerio Publico ta laga scucha e persona sospecha di a duna ordo pa e asesinato, e homber N.R.R., den prison na Hulanda tocante su rol specifico. E otro opdracht tabata cu ta haci investigacion riba telefon di e sospechoso. Ministerio Publico a presenta e resultadonan di e dos opdrachtnan aki na Corte durante e tratamento di 19 di April 2017.

E homber W. a wordo haya morto sinta den un auto banda di Indian Rock Garden na Hooiberg riba 19 di maart 2015. Aunke e asesinato aki tabatin relaciona cu e participacion di tanto e mes como e homber N.R.R. na gangnan criminal, e sospechoso H. no tabata forma parti di ningun di e dos gangnan aki. E tabata involvi como sicario.

H. semper a insisti cu e ta inocente, pero tanto Ministerio Publico como Corte ta di opinion cu ta e ta e autor di e asesinato di e victima W.